

Inatsisartut suleriaasianni § 37 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Apeqqutit:

1. Ilumoorpa kujataani puisit amiinik tunitsivissamik puttasumik pilersaarusiortoqarnissaa aallartisaleruttortoq?
2. Qaqortumi Great Greenland puisit amiinik amigartoortalersimanera qanoq ilumoortigiva? Aamma qanoq amigaattoorneq maannamut annertutigiva?
3. Sooq nunarput tamaat eqqarsaatigalugu allatut eqqarsarluni pilersaarusiortoqarsinnaangila assersuutigalugu puisip amia akitsorlugu piniartut tunitsinnaalersillugit?
4. Tunitsivissaq puttasooq aningaasanik qanoq naleqarpa?
(Inatsisartuni ilaasortaq Laura Táunâjik, Siumut)

Tunngavilersuut:

Piffinni suliffissaaleqiffiusuni imaluunniit aningaasarsiornissakkut periarfissalunnerusuni puisip amia akitsorneqarsinnaagaluarpat kujataani tunitsivissaq puttasooq kujataanut kisiat iluaqutaaginnarnani nunarput tamaat isigalugu piniartunit iluaqutigineqarsinnaagaluarpat.

Tunitsivissaq puttasooq pinngitsoorani aningaasarpassuarnik naleqarnissaa ilimagisassaavoq. Taakkunanili nunatsinni piniartunut iluaqutaasussamik aaqqissuussisoqarnissaa kivitseqatigiiffiusuussaavoq. Tamanna sumiiffinni suliffissaaleqiffiusunut iluaqutaasussaavoq. Minnerunngitsumik ilaqutariinnut piniartukkormiuusunut aningaasatigut kivitseqataasussaavoq.

Nunatsinni sumiiffissappassuit aningaasarsiornikkut periarfissaqarpiangitsut arlaqaqaat. Assersuutigalugu nunatta kangiani (Tunumi) suliffissaaleqineq annertuvoq. Inuussutissarsiornikkullu periarfissat naammangilluinnarput. Tamakku peqqutaallutik pissaaleqinerit inuussutissarsiornikkullu periarfissalunnerit malunanrtumik innutaasunik sunniuteqarnerluttarput. Atugarissaarnek siammartinneqartuuppat "katatatut" taajorneqartut ikiliartulersinnaanerit naatsorsuutigisariaqarpoq.

Tunitsivissaq puttasooq aningaasarpassuarnik naleqarnissaa ilimanareermat, taassumunnga taarsiullugu puisip amia akitsornissaanut Naalakkersuisut kaammattorusunnarput eqqarsaqeqqullugit.

Kissaatigaara apeqqutima ullut suliffiusut iluanni akineqarnissaat.